



Data: 01.10.19 Ref.: 1887/190

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshme Administrative (Nr. 05/L0031, datë 25.05.2016), nenit 7 dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ Nr.15/2018 për Akreditimin e Institucioneve të Arsimit të Lartë në Republikën e Kosovës, Udhëzimin Administrativ Nr. 02/2019, Nr. 08/2019 dhe Nr. 13/2019 për ndryshimin dhe plotësimin e Udhëzimit Administrativ Nr. 15/2018 për Akreditimin e Institucioneve të Arsimit të Lartë në Republikën e Kosovës, Këshilli Shtetërorë i Cilësisë (KShC), në mbledhjen e 78-të të mbajtur më 27.09.2019 mori këtë:

V E N D I M

- I. Refuzohet pjesërisht kërkesa e Kolegjit "Rezonanca" Nr. 1829/19H, datë 26.09.2019 për riakreditim të programeve të studimit:
 - Mjekësi e përgjithshme, Dr Med, 360 ECTS
 - Anestezi dhe kujdes intenziv, BSc, 180 ECTS
- II. Ky vendim hyn në fuqi me nënshkrimin e tij.

Arsyetim

I. Kolegji Rezonanca ka parashtruar kërkesë (kërkesa Nr. 1829/19H, datë 26.09.2019) pranë Agjencisë së Kosovës për Akreditim (AKA) për riakreditim të programeve të studimit: 1. Mjekësi e Përgjithshme Dr. Med, 360 ECTS, 2. Anestezi dhe Kujdes Intenziv, BSc, 180 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018 (tash e tutje UA për Akreditim), Këshilli Shtetërorë i Cilësisë (KSHC) në mbledhjen e mbajtur më 16 shtator 2019 ka trajtuar aplikacionin e Kolegjit Rezonanca.

Bazuar në pikën 1.2 të Neni 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë


AKA - Agjencia e Kosovës për Akreditim

të të dhënave të dorëzuara nga institucionet e arsimit të lartë përgatitet nga stafi i AKA-së”, KShC erdhi në përfundim se programet e sipër përmendura nuk i plotësojnë kriteret e përcaktuara me aktet ligjore në fuqi.

Bazuar në Nenin e referuar më lartë, KShC në mbledhjen e mbajtur më 27 shtator 2019 ka trajtuar aplikacionin e dorëzuar nga ky Kolegj. Sipas të dhënave të prezantuara nga raporti përmbledhës për programet me të cilin ka aplikuar ky institucion, dhe pas analizimit të detajuar të dokumentacionit të prezantuar nga ky institucion për stafin akademik, në mungesë të stafit relevant, ashtu siç parashihet me Nenin 26, pika 5.3.5 e UA për Akreditim, KShC mori vendim për refuzim të aprovimit të aplikacionit për programin Anestezi dhe Kujdes Intenziv, BSc, 180 ECTS.

Sa i përket programit Mjekësi e Përgjithshme, ky program është refuzuar bazuar në Udhëzimin Administrativ 15/2018, neni 26, pika 5.2.5, sipas të cilit: Për programet e rregulluara me direktivë të Komisionit Evropian, përpos kriterëve të përcaktuara me këtë UA, do të vlejné edhe kriteret e përcaktuara me këto direktiva. Sipas direktives evropiane, programet e mjekësis së përgjithshme duhet të zgjasin së paku 6 vite, me total të 5500 orëve të ngarkesës teorike dhe praktike, dhe kjo praktikë mund të ofrohet vetem nga një Universitet apo nën mbikëqyrjen e një Universiteti.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.


Prof. Dr. Gazmend Luboteni
Kryetar i Këshillit Shtetëror të Cilësisë

Vendimi iu dërgohet:

- Kolegjit Rezonanca
- MASHT;
- Arkivit të AKA-së.